

# QVÆSTIO MEDICA

QVODLIBETARIIS DISPUTATIONIBVS

MANE DISCVTIENDA

IN SCHOLIS MEDICORVM

Die Iovis 28. Februarij.

M. DOMINICO DE FARCY

DOCTORE MEDICO PRÆSIDE.

*Est-ne fœmina viro salacior?*

I.

**C**OE CVS est, qui virum & mulierem ejusdem naturæ participes esse non deprehendit. Cœcior adhuc multò, qui quantum inter se differant non animadvertit. Præ cæteris animantibus formâ conspicuus est homo. In illius tamen formâ dignitas inest, in hujus venustas. Decora utriusque species est. Mascula quidem formosa & illustris; verùm fœminea cum quadam coloris suavitate affusam habet oculis & emicantem in ore toto gratiam, quæ perstringit simul & invitat aspectus. Conferatur virile corpus muliebri; longè procerius reperietur; quidni & robustius? Quod rigidioribus ossibus est innixum, valentioribus & strictioribus articulis firmatum, carne coagmentatum compactiori; validioribusque fibris & tendinibus cancellatim reticulatâ. Dispari quo-

que temperie gaudent. Quæ maris est, ignem & terram redolet; quæ fœminæ, aërem & aquam: hinc ille calidior & sicciior; hæc frigidior & humidior: ille rudi & aspero contactu; hæc blando, leni, lævique & æquabili. Per patientes cutis illius poros nonnisi acria & mordacia erumpunt; hujus blanda & suavia: illius caloris acrimonia tangentem ferit; hujus lenitas demulcet.

## I I.

**M**A G N V M est inter plantas ( & si vis metalla & lapides ) ratione sexus discrimen. Majus inter animantes. Maximum inter homines. Primum nonnisi peritioribus agricolis & metallicis planum. Alterum non cuilibet primâ fronte pervium: sed ut dignoscatur, investigatione indiget. Vltimum se se ultrò oggerit: adeo vultu dissimiles sunt vir & mulier; status corporis in utroque dispares; partium genitalium structura alia atque alia Fabula est, Androgynum dari ex tam dissimilibus confiatum. Illusio, Hermaphroditam fulcum & vomerem habere ad arandum aptum. Commentum, mulieres in marès converti. Inscitia, asserere generationis instrumenta naturâ eadem, situ diversa. Nonnisi ab his quæ prorsus aliena sunt, quæque aliter & aliter esse non possunt, pendet sexus. Hinc naturâ etiam ipsâ jubente, in tam contraria studia scinditur vir & mulier, ut alter laborare exoptet, altera recuset: alteri continuò intestina crepent, nulla crepitent alteri: non dubitet alter committere se periculo mortis, altera reformidet.

## I I I.

**S**A L A C I V M fatum est, inclinatione voluntatis propendere in venerem. Vis & facultas, posse occasione datâ citiùs, frequentius, & cum minori detri-

mento Hymenæum celebrare. Prærogativa, præstitutum tempus Clinopales antevertere. Privilegium, ex ipsâ luctatione amatoriâ majorem in animo lætitiâ, & suaviorum jucunditatis commotionem in corpore percipere. Vt eâ sit constitutione corporis homo, frustra artis & consuetudinis imploratur auxilium. Longè plura, eâque præstantiora quàm in hoc negotio utraque præstare potest, requiruntur. Totum est hoc naturæ commissum officium; quæ sola novit modum, quo ea ex quibus constamus ita congruant inter se, ut adsit calida & humida corporis temperatio, salacitatis omnis inexhaustum penu; statura, contractam inter & extensam mediâ; æstuantia calore generationis organa; intus potiùs recondita, quàm prominentia foris; generis omnis vasa, crebra, multaque intexta, non quidem flexuosa & intorta, sed recto tramite ducta, quæ tantum Aphrodisiasmum promovere valeant, quantum illa retardare.

## I V.

**R** A R A avis, frigida mulier. Frequens, vir veneris impotens. In promptu res est, à naturâ habet posteriora ( quibus caret hic ) libidinis adjumenta. Corpus blando & halituoso calore perfusum, copiosi humoris fœturâ turgidum, multitudine cœcorum cutis spiraculorum non enervatum, ob proceritatem non elumbe; sed convenientissimo partium commensu vividum. In genitali mulieris arvo ardet continuò focus: cui temperando nedùm restringendo ni providisset natura, assiduo per circuitus redeunte sanguinis profluvio, brevi medios inter ignes animam exhalaret: inter quos suis conceptaculis conclusus genialis humor, adeo catullit, titillat, & prurit, ut nullo puncto temporis intermisso, vel invitas

ad amplexus sollicitet : his celerius, frequentius, & cum minori virium jacturâ potiturus, quantò paucioribus gyris & anfractibus intorta sunt ipsis vasa seminalia quam viris ; quibus diversi atque multiplices eorundem vasorum flexus & meandri, validos contra libidinis impetus frænos injiciunt.

## V.

**O**BLITAM sui mulierem facilius reperiās, quàm salacitatis. Exlex est & ἀλογος in eâ libido quæ statim expleri cupit, nec patitur moras. Aſtynaffæ sunt, quarum lascivia novos concubitus modos quotidie comminiscitur. Non defunt & Meſſalinæ, quæ reſupinæ jacentes abſorptis multorum iſtibus laſſatæ quidem viris, ſed non ſatiatæ recedunt. Nec infrequentes Dionyſiæ, quarum in octavâ lascivia ſurgere meſſe cœperat, & dulces fingere nequitias. Inclamantes etiam ſepius audiuntur Quartillæ, lunonem meam iratam habeant, ſi unquam me meminerim virginem. Quid plura ? Mulieribus datum genialibus in ludis amatoriâ voluptate diſſolvi ; negatum viris. Horum lætitiæ ſequax eſt dolor, hæreſque tritiſtiæ ; illarum contra gaudiis, ſuccedunt nova. Virorum ſtatim triſtis languet amor ; mulierum remiſſionis vix patiens flamma, veneris aliud unde continuò nutriatur pabulum ſemper arceſſit vorax.

*Eſt ergo fœmina viro ſalacior.*

## DOMINI DOCTORES DISPUTAVRI.

M. Nicolaus Bonvarlet.

M. Nicolaus Raiſſant, Scholæ Profeſſor.

M. Ioannes Grou.

M. Antonius Ruſſin.

M. Petrus Pourret.

M. Antonius de Cæn.

M. Germanus Freaux.

M. Franciſcus Blondel.

M. Iacobus Mentel, rei

Herbariæ Profeſſor.

Proponebat Lutetiæ CLAUDIUS DE QVANTEAL  
Caſtellioſequaneus, A. R. S. H. M. DC. LXIX.